

南開大學中國社會史研究中心資料叢刊

近代農業調查資料

17

鳳凰出版社

南開大學中國社會史研究中心資料叢刊

近代農業調查資料

17



鳳凰出版社

第十七冊

江蘇省農業調查錄

蘇常道屬

東南大學農科編

民國十二年

.....

江蘇省農業調查錄

蘇常道屬

東南大學農科編

民國十二年

中華民國十二年八月

江蘇省農業調查錄

蘇常
道屬

江蘇省教育實業聯合會印行

序一

吾從政蘇省教廳。方謀於農業教育。有所擘畫。而東大農科主任鄒君秉文。以江蘇省農業調查錄來。屬爲之序。吾受而讀之。見其書以縣爲綱。以市鄉爲目。舉凡一地方之交通、工資、土質、耕地、作物、施肥、收量、乃至於收穫之期、選種栽培之法。悉詳錄而表列之。蓋其所載。皆確能就耳目所及。得一地方之真相者。不禁慨焉興感。謂是誠吾省教育之良導師也。夫以吾省農業教育之設施言之。農校之設立。固較工校商校爲尤早。其校數亦較工校商校爲獨多。而畢業以去者。歲且逾百。顧何以起視吾省農業。猶皆墨守成法。農業教育上之效益。猶未大顯乎。此其故。雖不一端。而主持農業教育者之偏尙理論。不能各就鄉土所宜。實施改良農業之方法。實最要原因也。原君頌周謂徒重外國成法。葯不對症。效於何有。又謂非周知地方之情形。雖巧智亦窮於術。其所言。誠洞見

結癥者矣。從事農業教育者。苟讀此而循是塗以趨焉。事半功倍。蓋可預期。謂之爲農業教育之良導師。寧過言哉。

中華民國十二年三月武進蔣維喬

序二

漢書藝文志農家者流。出於農稷之官。洪範八政。食居其首。周官司徒有任土之文。神州以農業立國。由來久矣。惟古者農服先疇。世守其業。臨民者亦因所宜而宜之。春耜夏芸。兼功自厲而已。綴學之士。高言心性。每鄙農圃之事。不屑爲。其散見諸家學說者。管子暨呂氏春秋亦時著於篇。而所發明者蓋寡。至元魏賈思勰有齊民要術。唐韓謨有四時纂要。談農學者始輯爲專書。然皆本郡國之風土。田家之經驗。示教農畝。其於近世培壅灌溉。收穫簸揚諸法。概未之有聞也。海道以來。孳農業者始有農學報之輯。廣譯西籍。創設學校。列爲專科。而後天下人士。知農業之重。嘗論改進農業。莫切於調查。寒燠之異候。土壤之異宜。雖同居鄉邑之中。而歲穫之贏絀有至不同者。非抉其所病。必無以程效也。則關於地理風俗。及工商業之維繫。其未可忽矣。蘇省各道以蘇常所轄最

稱沃壤。而人稠地狹。供不給求。近歲復時有旱澇之苦。其足以供吾人研究者。蓋至繁賾。從而調查之。以爲改進之基。盛業斯不朽歟。鄒君秉文潛挈農學有年。鳩集同志。於蘇省各道實地調查。集成書。頃爲蘇常道農業調查錄一帙。凡足爲農家取法者。罔不甄錄。條分縷析。井井有條。昔賢諸作。方茲蔑矣。異日者吳都之野。桑麻敷榮。太湖之區。穀禾擢穎。發吾神臯沃野之菁英。其以此爲導師乎。

民國十二年三月吳縣嚴家熾序

序三

子輿氏以好辯聞天下。其言仁政。則必自五畝之桑百畝之田始。下至鷄豚狗彘魚鼈材木之屬。亦復纖悉靡遺。津津樂道之。甚矣農爲邦本。經國者固當視爲要圖。而不可一日忽者也。中邦以農立國。蚩蚩之氓。務農者十居八九。終歲勤動。不與外事。故近日風氣不靖。囂然塵上。而彼農民者。仍從事於東阡西陌間。以盡其固有之天職。雖其智識若甚樸寒。然於根本之地。猶足多也。比者鄒君秉文爲東南大學農科主任。思以所得科學發明農業。先就金陵實地調查。編輯成書。茲復以蘇常調查錄成函索一言。視前冊列表尤益詳備。鄒君洵今之有心人。也。蘇常田疇沃美。民質秀慧。視他處爲特異。苟得人焉。濬其學識。精其器用。因其勢而利導之。行見蒸蒸然田廬闢。民殷富。沃野千里。蓄積饒多。舍鄒君此冊。奚以資嚆矢之助哉。吾蓋於此有厚望焉。

江蘇省農業調查錄 蘇常道屬

序三

六

民國十二年三月蔡寶善

弁言

金陵道屬調查錄出版。都人士相與獎譽者。以全道之農業狀況開卷了然。無殊親歷其境。今蘇常道調查錄編輯既竣。頌周校閱一過。頗覺地理地質與夫經濟狀況農事習慣。皆有可探。從此研究改良。於農業前途。當有無窮之希望。在同人等稍竭綿薄。而國人即可借供參攷。不爲無得。若以增長智識。爲極此帙貢獻之能事。則猶未敢自信爲最後之目的也。此番調查地點十二縣。合百十三市鄉。歷時兩閱月。仍由東南大學農科職員分任其事。頌周謬膺主任。總領大綱。謹以調查精神所注。播之簡端。聊作自勵勵人之一助云爾。

中華民國十二年四月番出原頌周

江蘇省農業調查錄

蘇常道屬

弁言



八

凡例

- 一、各縣先後。依現行行政區域表編次。每縣各市鄉。則按東南西北四區。分別記之。
- 一、調查地點。以一鄉或一市爲範圍。每縣多少不同。觀篇內地圖。便可明瞭。
- 一、各縣紀略。內容粗備。餘表爲便于比較及統計起見。其排列均有定序。
- 一、各種調查。實事求是。其迂遠難得真相者。概不過問。
- 一、每畝各種作物收量。均照部頒之度量衡。按合計算。
- 一、作物栽培調查表所載之日月。因鄉民沿習。概從陰歷。
- 一、本編所載。除調查員觀察所得外。均依據當地鄉董警察所長。小學教員。勸學所職員。農場職員。農戶。地甲等答問之詞。其中稍與實事出入。或所難免。閱者諒之。
- 一、調查時日有限。各縣地方。有未及調查者。或因該鄉乏人引導。或因各小村情形相同。故不前往。
- 一、本編就調查筆記中撮要登載。其繁瑣者從略。

江蘇省農業調查錄

蘇常道屬

凡例



二